

FEDERALNO MINISTARSTVO FINANSIJA/FINACIJA

242

Na osnovu člana 10b. Zakona o Poreznoj upravi Federacije Bosne i Hercegovine ("Službene novine Federacije BiH", br. 18/96 i 32/00), po prijedlogu direktora i zamjenika direktora Porezne uprave Federacije Bosne i Hercegovine, federalni ministar finansija-federalni ministar financija, donosi

UPUTSTVO

O KRITERIJIMA ZA ODREĐIVANJE "VELIKIH POREZNIH OBVEZNIKA"

I

Ovim uputstvom propisuju se kriteriji za određivanje "velikih poreznih obveznika".

II

"Velikim poreznim obveznicima" smatraju se:

1. Proizvođači, uvoznici i distributeri nafte i naftnih derivata;
2. Proizvođači duhana, piva, kafe, alkoholnih i bezalkoholnih pića sa godišnjom poreznom obavezom većom od 100.000,00 KM;
3. Finansijske institucije, banke i osiguravajuća društva sa godišnjom poreznom obavezom većom od 100.000,00 KM;
4. Ostali porezni obveznici sa godišnjom poreznom obavezom većom od 500.000,00 KM;
5. Ostali porezni obveznici sa ukupnim godišnjim prihodom većim od 13 miliona KM.

III

Ovo uputstvo stupa na snagu narednog dana od dana objavljivanja u "Službenim novinama Federacije BiH".

Broj 05-02-3539/02

10. maja 2002. godine

Sarajevo

Ministar

prof. dr. **Nikola Grabovac**, s. r.

Na temelju članka 10b. Zakona o Poreznoj upravi Federacije Bosne i Hercegovine ("Službene novine Federacije BiH", br. 18/96 i 32/00), po prijedlogu direktora i zamjenika direktora Porezne uprave Federacije Bosne i Hercegovine, federalni ministar finansija-federalni ministar financija, donosi

NAPUTAK

O KRITERIJIMA ZA ODREĐIVANJE "VELIKIH POREZNIH OBVEZNIKA"

I

Ovim naputkom propisuju se kriteriji za određivanje "velikih poreznih obveznika".

II

"Velikim poreznim obveznicima" smatraju se:

1. Proizvođači, uvoznici i distributeri nafte i naftnih derivata;
2. Proizvođači duhana, piva, kave, alkoholnih i bezalkoholnih pića sa godišnjom poreznom obavezom većom od 100.000,00 KM;
3. Finansijske institucije, banke i osiguravajuća društva sa godišnjom poreznom obavezom većom od 100.000,00 KM;

4. Ostali porezni obveznici sa godišnjom poreznom obavezom većom od 500.000,00 KM;
5. Ostali porezni obveznici sa ukupnim godišnjim prihodom većim od 13 miliona KM.

III

Ovaj naputak stupa na snagu narednog dana od dana objavljivanja u "Službenim novinama Federacije BiH".

Broj 05-02-3539/02

10. svibnja 2002. godine

Sarajevo

Ministar

prof.dr. **Nikola Grabovac**, v. r.

FEDERALNO MINISTARSTVO ENERGIJE, RUDARSTVA I INDUSTRIJE

243

Na osnovu člana 7. Uredbe o vršenju ovlašćenja i obaveza organa Federacije Bosne i Hercegovine u privrednim društvima po osnovu državnog kapitala ("Službene novine Federacije BiH", br. 8/00, 40/00, 43/00, 4/01, 5/01, 26/01, 35/01, 13/02 i 14/02), Federalno ministarstvo energije, rudarstva i industrije, donosi

RJEŠENJE

O RAZRJEŠENJU I IMENOVANJU PREDSJEDNIKA UPRAVNOG ODBORA ENERGOINVEST LIVNICA DJL SARAJEVO

I

Razrješava se dužnosti predsjednika Upravnog odbora Energoinvest - Livnica d.j.l. Sarajevo

ANTO KRISTIĆ.

II

Za predsjednika Upravnog odbora Energoinvest - Livnica d.j.l. Sarajevo, imenuje se FIKRET MAHMUTOVIĆ.

III

Ovo rješenje stupa na snagu danom donošenja i objavit će se u "Službenim novinama Federacije BiH".

Broj 13-34-1137/02

21. maja/svibnja 2002. godine

Sarajevo

Ministar

Hasan Bećirović, s. r.

FEDERALNO MINISTARSTVO POLJOPRIVREDE, VODOPRIVREDE I ŠUMARSTVA

244

Na osnovu člana 30. stav 4. Zakona o veterinarstvu ("Službene novine Federacije BiH", broj 46/00), federalni ministar poljoprivrede, vodoprivrede i šumarstva, donosi

UPUTSTVO

O NAČINU VOĐENJA EVIDENCIJE OTKUPLJENIH KOŽA, KRZNA, VUNE I DLAKE U OBJEKTIMA REGISTRIRANIM ZA TU NAMJENU

I

Ovim uputstvom se propisuje način vođenja evidencije u registriranim objektima za sakupljanje, konzerviranje, skladištenje i promet sirove kože, krzna, vune i dlake.

II

obrazac broj 3

Pravna i fizička lica, koja se bave otkupom ili prometom sirovih koža, krzna, vune ili dlake, vode evidenciju o njihovom porijeklu i daljem prometu.

Evidencija se vodi po propisanom obrascu za svaku vrstu otkupljenih sirovina.

Evidencija koža se vodi posebno:

- za kože od životinja zaklanih na klaonici,
- za kože životinja zaklanih bez veterinarskog pregleda, za koje ne postoji veterinarska potvrda o nezaraženosti mjesta porijekla kože i
- za kože od divljači.

III

Evidencija koža od životinja zaklanih na klaonici vodi se u formi knjige, koja sadrži sljedeće podatke: redni broj, datum otkupa, naziv firme, odnosno prezime i ime lica od kojeg je koža otkupljena i postojeći broj na koži.

Evidencija koža od životinja zaklanih bez veterinarskog pregleda i otkupljenih koža divljači, sadrži sljedeće podatke: redni broj, datum otkupa, naziv firme, odnosno prezime i ime lica od kojeg je koža otkupljena, mjesto iz kojeg koža potiče, broj na koži, datum i rezultat askolizacije.

Evidencija otkupljene vune i životinjske dlake sadrži sljedeće podatke: redni broj, datum otkupa, naziv firme, odnosno ime i prezime lica od kojeg je sirovina otkupljena, vrstu sirovine, mjesto porijekla sirovine i naziv firme kojoj je sirovina otpremljena.

IV

Obrasci br. 1. do 4. iz tačke 2. ovog uputstva nalaze se u prilogu uputstva i čine njegov sastavni dio.

Obrasci se popunjavaju ažurno pisačom mašinom, odnosno tintom ili hemijskom olovkom.

V

Ovo uputstvo stupa na snagu narednog dana od dana objavljivanja u "Službenim novinama Federacije BiH".

Broj 01-02-92-1/02

15. maja 2002. godine

Sarajevo

Ministar

Behija Hadžihajdarević, s. r.

obrazac broj 1

EVIDENCIJA

KOŽA OD ŽIVOTINJA ZAKLANIH NA KLAONICI

Red. broj	datum otkupa	Naziv firme, odnosno ime i prezime lica od koga je koža otkupljena	mjesto porijekla kože	vrsta životinje od koje potiče koža	postojeći broj na koži-identifikacioni broj životinje	Naziv firme kojoj je otpremljena koža
--------------	-----------------	--	-----------------------------	---	---	---

obrazac broj 2

EVIDENCIJE

KOŽA OD ŽIVOTINJA ZAKLANIH BEZ
VETERINARSKOG PREGLEDA

Red. broj	datum otkupa	Naziv firme, odnosno ime i prezime lica od koga je koža otkupljena	mjesto porijekla kože	vrsta životinje od koje potiče koža	Askolizacija			Naziv firme kojoj je otpremljena koža
					Naziv organa	br. i dat. nalaza identif. br. živo.	rezultat	

EVIDENCIJA
OTKUPLJENIH KOŽA OD DIVLJAČI

Red. broj	datum otkupa	Naziv firme, odnosno ime i prezime lica od koga je koža otkupljena	mjesto porijekla kože	vrsta životinje od koje potiče koža	Askolizacija			Naziv firme kojoj je otpremljena koža
					Naziv organa	br. i dat. nalaza identif. br. živo.	rezultat	

obrazac broj 4

EVIDENCIJA
OTKUPLJENE VUNE I ŽIVOTINJSKE DLAKE

Red. broj	datum otkupa	Naziv firme, odnosno ime i prezime lica od koga je sirovina otkup.	vrsta sirovine	mjesto porijekla sirovine	Naziv firme kojoj je otpremljena vuna ili dlaka
--------------	-----------------	--	-------------------	---------------------------------	---

Na temelju članka 30. stavak 4. Zakona o veterinarstvu ("Službene novine Federacije BiH", broj 46/00), federalni ministar poljoprivrede, vodoprivrede i šumarstva, donosi

NAPUTAK

O NAČINU VOĐENJA EVIDENCIJE OTKUPLJENIH
KOŽA, KRZNA, VUNE I DLAKE U OBJEKTIMA
REGISTRIRANIM ZA TU NAMJENU

I

Ovim nalogom se propisuje način vođenja evidencije u registriranim objektima za sakupljanje, konzerviranje, skladištenje i promet sirove kože, krzna, vune i dlake.

II

Pravne i fizičke osobe, koja se bave otkupom ili prometom sirovih koža, krzna, vune ili dlake, vode evidenciju o njihovom porijeklu i daljnjem prometu.

Evidencija se vodi po propisanom formularu za svaku vrstu otkupljenih sirovina.

Evidencija koža se vodi posebno:

- za kože od životinja zaklanih na klaonici,
- kože životinja zaklanih bez veterinarskog pregleda, za koje ne postoji veterinarska potvrda o nezaraženosti mjesta podrijetla kože i
- za kože od divljači.

III

Evidencija koža od životinja zaklanih na klaonici vodi se u formi knjige, koja sadrži sljedeće podatke: redni broj, nadnevak otkupa, naziv firme, odnosno prezime i ime osobe od koje je koža otkupljena i postojeći broj na koži.

Evidencija koža od životinja zaklanih bez veterinarskog pregleda i otkupljenih koža divljači, sadrži sljedeće podatke: redni broj, nadnevak otkupa, naziv firme, odnosno prezime i ime osobe od koje je koža otkupljena, mjesto iz kojeg koža potječe, broj na koži, nadnevak i rezultat askolizacije.

Evidencija otkupljene vune i životinjske dlake sadrži sljedeće podatke: redni broj, nadnevak otkupa, naziv firme, odnosno ime i prezime osobe od koje je sirovina otkupljena, vrstu

sirovine, mjesto podrijetla sirovine i naziv firme kojoj je sirovina otpremljena.

IV

Obrasci br. 1. do 4. iz točke 2. ovog naputka nalaze se u prilikutku naputka i čine njegov sastavni dio.

Obrasci se popunjavaju ažurno pisanim strojem, odnosno tiskom ili kemijskom olovkom.

V

Ovaj naputak stupa na snagu narednog dana od dana objave u "Službenim novinama Federacije BiH".

Broj 01-02-92-1/02
15. svibnja 2002. godine
Sarajevo

Ministar
Behija Hadžihajdarević, v. r.
obrazac broj 1

**EVIDENCIJA
KOŽA OD ŽIVOTINJA ZAKLANIH NA KLAONICI**

Red. broj	datum otkupa	Naziv tvrtke, odnosno ime i prezime osobe od koga je koža otkupljena	mjesto podrijetla kože	vrsta životinje od koje potiče koža	postojeći broj na koži-identifikacioni broj životinje	Naziv tvrtke kojoj je otpremljena koža
-----------	--------------	--	------------------------	-------------------------------------	---	--

obrazac broj 2

**EVIDENCIJE
KOŽA OD ŽIVOTINJA ZAKLANIH BEZ
VETERINARSKOG PREGLEDA**

Red. broj	datum otkupa	Naziv tvrtke, odnosno ime i prezime osobe od koga je koža otkupljena	mjesto podrijetla kože	vrsta životinje od koje potiče koža	Askolizacija			Naziv tvrtke kojoj je otpremljena koža
					Naziv organa	br. i dat. nalaza identif. br. živo.	rezultat	

obrazac broj 3

**EVIDENCIJA
OTKUPLJENIH KOŽA OD DIVLJAČI**

Red. broj	datum otkupa	Naziv tvrtke, odnosno ime i prezime osobe od koga je koža otkupljena	mjesto podrijetla kože	vrsta životinje od koje potiče koža	Askolizacija			Naziv tvrtke kojoj je otpremljena koža
					Naziv organa	br. i dat. nalaza identif. br. živo.	rezultat	

obrazac broj 4

**EVIDENCIJA
OTKUPLJENE VUNE I ŽIVOTINJSKE DLAKE**

Red. broj	datum otkupa	Naziv tvrtke, odnosno ime i prezime osobe od koga je sirovina otkup.	vrsta sirovine	mjesto podrijetla sirovine	Naziv tvrtke kojoj je otpremljena vuna ili dlaka
-----------	--------------	--	----------------	----------------------------	--

245

Na osnovu člana 30. stav 5. Zakona o veterinarstvu ("Službene novine Federacije BiH", broj 46/00), federalni ministar poljoprivrede, vodoprivrede i šumarstva, donosi

PRAVILNIK

**O VETERINARSKO-ZDRAVSTVENIM USLOVIMA
KOJIMA MORAJU UDOVOLJAVATI OBJEKTI ZA
SAKUPLJANJE, KONZERVIRANJE, SKLADIŠTENJE I
PROMET SIROVE KOŽE, KRZNA, VUNE I DLAKE
ŽIVOTINJA**

I - OPĆE ODREDBE

Član 1.

Ovim pravilnikom se propisuju veterinarsko-zdravstveni uslovi koje moraju ispunjavati objekti i prostorije u kojima se vrši sakupljanje, konzerviranje, skladištenje i promet sirove kože, krzna, vune i dlake životinja.

Član 2.

Objekti iz člana 1. ovog pravilnika razvrstavaju se na:

1. uvozno-izvozne objekte;
2. objekte za unutrašnji promet;
3. otkupne stanice.

Član 3.

Za objekte iz člana 1. ovog pravilnika prije početka izgradnje ili rekonstrukcije obavezno se pribavlja prethodna veterinarsko - zdravstvena saglasnost na izvedbeni projekat i lokaciju.

Rješenje da li izgrađeni ili rekonstruisani objekti iz stava 1. ovog člana udovoljavaju propisanim veterinarsko - zdravstvenim uvjetima donosi kantonalno ministarstvo, nadležno za poslove veterinarstva (u daljem tekstu: kantonalno ministarstvo), a za izvozne objekte Federalno ministarstvo poljoprivrede, vodoprivrede i šumarstva (u daljem tekstu: Federalno ministarstvo) te određuje veterinarski kontrolni broj, na osnovu nalaza komisije, koju formira federalni ministar poljoprivrede, vodoprivrede i šumarstva (u daljem tekstu: federalni ministar).

Troškove rada komisije iz stava 1. ovog člana snosi pravno ili fizičko lice, koje se bavi poslovima iz člana 1. ovog pravilnika.

Član 4.

Objekti iz člana 1. ovog pravilnika, za koje je utvrđeno da udovoljavaju propisanim uslovima upisuju se u službenu evidenciju odobrenih objekata.

U službenu evidenciju odobrenih objekata upisuju se samo oni objekti koji posjeduju od nadležnih organa pribavljenu dokumentaciju o građenju: urbanističku saglasnost, odobrenje za građenje i odobrenje za upotrebu građevine.

Član 5.

Radi upisa u evidenciju iz člana 4. stav 1. ovog pravilnika, podnosi se zahtjev za priznavanje ispunjavanja uslova propisanih ovim pravilnikom.

Uz zahtjev iz stava 1. ovog člana, podnosi se slijedeća dokumentacija:

1. glavni projekat - što uključuje arhitektonski, građevinski i tehnološki projekat te projekat instalacije i ostale vrste projekata kojima se daje tehničko rješenje objekta;
2. nacrt lokacije - smještajni plan, s prikazom svih radnih prostorija. Ovaj plan mora prikazivati lokaciju svih zgrada uključujući i susjedne građevine (ako postoje), indus- trijske kolosijeke, ceste i prilazne puteve u blizini objekta; sve vodotokove, bunare, vodospreme, vodovodne i kanalizacijske cijevi te sistem za primarno pročišćavanje otpadnih voda;